

# UZama intombazanyana ekhuluma kakhulu

Gaspah Juma  
isiZulu



Emandulo kwakukhona  
intombazanyana, igama layo  
kunguZama. uZama  
wayeyintombanyana ekhuluma  
kakhulu. Umama wakhe  
wayemxwayisile ngalokukhuluma  
kakhulu kwakhe. Kodwa uZama  
akazange amlalele umama wakhe.





Ngelinye ilanga uZama wagulelwa ngubabekazi wakhe owayehlala kwesinye isigodi esiseduze nabo.



Umama kaZama wayematasatasa kakhulu ngalelo langa. Kwabe sekuyintambama lapho umama wakhe ethuma uZama ukuthi ahambisele ubabekazi wakhe ogulayo ukudla.



Endleleni uZama wahlangana no Sgidi impisi. Eyayizishintshe yaba umuntu.

Impisi yambuza ukuthi uphetheni.  
UZama waphendula wathi,"  
Inyama,amaqanda nobisi." Yize  
umama wakhe wayemxwayisile  
ukuthi angatsheli muntu ukuthi  
uphetheni.





UZama watshela impisi ukuthi uhambisela ubabekazi wakhe ogulayo ukudla. Impisi yaqala ukucabanga ngenyama eyayiphethwe uZama.

Yagijima ngejubane elikhulu imshiya  
ngemuva iya kubabekazi wakhe.







Impisi yafika yamgwinya ubabekazi wakhe yabe isizemboza ngengubo yakhe yokulala.



Ngesikhathi uZama efika kwakuthule cwaka endlini. Wangena ngaphakathi ememeza ethi, "Babekazi ukuphi?"

Uma engalizwa izwi lika babekazi wakhe wangena egumbini lakhe lokulala. Wamangala uma ebona umuntu ozemboze ngenkulu ingubo le.





"Babekazi kungani unezindlebe ezinkulu kangaka?" kubuza uZama. USgidi impisi waphendula ngaphansi kwengubo wathi, "Khona ngizokuzwa kahle."



UZama wabuza futhi kubabekazi wakhe wathi,"Kungani amehlo akho emakhulu kangaka?" uSgidi waphendula wathi, "Khona ngizokubona kahle."



Ekugcineni uZama wabuza wathi, "Kungani unomlomo omkhulu kangaka namhlanje?" USgidi waphendula wathi, "Khona ngizodla kahle." USgidi impisi wagxuma embhedeni wamgwinya uZama.



Ngenxa yokuthi uZama wayekhuluma kakhulu, wakhuluma noma esesiswini sempisi uSgidi. Wayebuza imibuzo eminingi.



Ekugcineni uSgidi wayesekhathele imibuzo eminingi kaZama wanquma ukumhlanzela ngaphandle.





UZama nobabekazi wakhe  
basindiswa abantu bendawo.  
Kusukela ngalelo langa uZama  
akaphindanga wakhuluma kakhulu  
nabantu angabazi.




# UZama intombazanyana ekhuluma kakhulu

Writer: Gaspah Juma

Illustration: Jesse Breytenbach

Adapted By: Zimbili Dlamini and African Storybook

Language: isiZulu



© African Storybook Initiative, 2015



This work is licensed under a Creative Commons Attribution  
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative